

常山貞石志

常山貞石志卷十四

諸授朝議大夫直隸正定府知府今調廣平府知府前署大順廣兵備道沈壽謙

金二

尊勝陀羅尼幢并琛公塔銘

幢上截高二尺五寸八面每面廣六寸第一面題尊  
勝陀羅尼幢六字第二面五行餘每面四行行二十  
字並正書無年月下截高三尺四寸每面廣六寸第  
一面題琛公和尚塔銘六字餘七面刻塔銘並題名  
每面七行行四十字並正書大定十四年十  
月十三日立今在獲鹿縣西北海螺山麓

佛頂尊勝陀羅尼經

勘賓沙門佛陀波利譯

經文不錄

玉馬李如珪書 牛應刊

截右  
上

真定府獲鹿縣靈巖院琛公長老塔銘并序

鄉貢進士馬  
□  
勛下

承信校尉行沃州高邑縣主簿兼尉雲騎尉賜<sub>下缺</sub>

上玉馬  
□  
□  
下缺

夫岸實不移因舟行而似動鏡奚能照本垢盡而自明  
蓋萬□□□一心□□□□□□□□□□序圓覺  
了義經云嗚呼生靈之所以往來者六道也鬼神沉幽  
□□□□戰□□□□□□□羅□□□□樂可以整  
心慮趣菩提者唯人為能耳且人之心皆是佛心如其  
□□□□進□□□□智□□□□塵清淨六塵清淨故

而四大亦復如是其證菩提也明矣唯我琛公長老頓  
覺而□□竟乏□□□

師俗姓王氏定州招賢坊人也幼而失怙然稟性純雅  
不好嬉戲加之母教素□鄉□尤為過人長習班輪運  
斤之業事母孝聞于州閭一日□□□□□□□□  
□長老□演法門發明□果智□□于心不可遠求也  
乃頓悟曰洗盡無始以來煩惱業障撥開今日已後智  
惠了心遂頓□俗緣禮□□□□□□為師落髮授戒  
訓法諱曰淨琛自是而後誦經持戒如素習焉惡衣服  
而卒歲以其□□織之勞捨鞍輿而徒行以其忍鞭驅  
之苦用於己也儉給於人也足私不積財公能立事言

無妄行無偽戒珠圓而瑩徹惠炬明而輝耀超凡超聖  
前後入空門者罕能及之師見彼院緇徒□衆□□□  
□□□□□□□□毅然行化於是梵音一唱四衆應  
之如響蓋以善信厭服於人捨要□□□□□□□□  
□□□□□□□□仰

師之化□為此院先居士珪公有宿習之契時大定  
龍飛思福田之滋廣

勅天下禪庵道院特許給名□□聞之以為太平勝事  
千載一遇不亦難哉□□□□□□□□居之地海螺山  
連珠洞及□□□□□□□□乃吾□□□□辯之所也然名  
號未正幸遇

鴻恩唯吾友琛公道業素著吾欲特□□□若可徒衆  
不□□合悉然其議珪公□□□□□□□□而後元  
於大定二年八月廿日公仝村衆香花幡鉦迎師至院  
□□翌日聞官請二院名額不日獲

勅牒特賜連珠洞為靈巖院□□□□□□□□尋各勒  
石以示永久而不朽焉師既住持崑洞光榮精藍秀潔  
使法輪常轉宗範顯揚勸化□緣妙應無方來叅者以  
□□額□□園遶皆大歡喜師無繫無著如孤雲之來  
往靜而依山動而濟物或伸或屈一無滯碍而自在圓  
通可行則行可止則止無非□佛之事建立道場者三  
雲臻海會弥布瓊席見者信施聞者傳達以其□園園

頓之教遍滿諸□而□方□請逶曲至於槐陽師迤邐  
欲返故山衆稽首勉留旦夕請益□得暫暇時大定十  
三年歲次癸巳十一月十二日辛丑在括壁村普淨院  
示疾至夕白衆曰吾將逝矣然來則本來有去則本來  
無離諸名相踊真涅槃這一段難劇又做到頭也大衆  
伏惟珍重了無作難之色奄然坐蛇諸方聞之無不嗟  
異茶毗之日天色晴朗風條不鳴祖送者千有餘人環  
遶而作法事閤維之處靈骨鮮靜光華奪目師享俗壽  
七十僧夏三十三法嗣一十人孫一十人本院徒衆繒  
□□輓迂靈還院時諸方信士競設香花或迎或送哀  
號□□道路之人亦為色慘以是月廿四日置靈於講

堂奠饗無輟自師住持十餘年興廢補弊□□□□  
立一事也曾不自矜演一法也未嘗少懈博施濟衆而  
有廣大慈悲之心破邪摧魔而有沉量威神之力教之  
普照也猶惠日而破諸暗仁而不外也同法雨而潤群  
生湛其心芳若柳絮而□□□□□□蓮花而不  
著□□□□□□死□□□□□□而不可思依□兩  
院大衆同議葬事□□□□□□□□曰願分靈燼各  
院葬之永為供祀之所依衆議許之即建二塔本院葬  
院西北山之麓與珪公塔相比□甲午乙卯□□□□  
□□□□□師宗圖持師行狀囑僕為銘僕辭以不能  
愈辭而愈□僕以先父□□皇統年間來宰是邑与珪



公居士有蓮社之舊義不得固辭姑應來命誌其實而序之乃□之銘□

與物被惑 乃佛之德 摧魔定勝 乃佛之力 教

自西來 流傳此國 千有餘年 □□□□ 惟公

之生 惠性圓明 一悟真理 頓棄俗情 爰自落

髮 誦持無間 前後學□ □得□□ 經明行修

星霜幾周 緣化於外 瓶錫而遊 孰與交契

珪公居士 備□□□ □□至□ 請立院名 名

定功成 無繫無礙 自在而行 道場雲會 忽歷

塵世 慷慨辭衆 奄然而逝 今葬何之 □□□

□□□□ 以永歸依 鳥飛兔走 天長地久

丹青可□ □不可朽

大定□四年十月十三日建 □□一十人 □□

□□門人宗□ 宗□ □□宗□ □□□

□□□監庫僧宗□ 管勾僧□□ 住持沙門

宗因 同立石 石匠何浩 張旺 蘇全 牛政

牛應 何源牛明刊 武義將軍行真定府獲鹿縣尉

溫敦 輔臣 助緣 承德郎行真定府獲鹿縣主簿

飛騎尉賜緋魚袋王 邦基 安遠大將軍行真定府

獲鹿縣令輕車都尉武威郡開國伯食邑七伯戶石琛

右下截

右碑上截經幢李如珪書下截塔銘字多殘泐篆字

訪碑錄作靈泉院染公誤又訪碑錄謂景其撰李如珪正書今撰書人姓名已缺標題後一行猶存鄉貢進士馬五字如撰文者係馬姓景其或卽其名第三行止存玉馬二字如珪稱貫玉馬則此下泐者當是如珪名其亦爲如珪所書無疑矣玉馬地志無攷疑是村鎮之名百官志中縣而下置丞以主簿與尉通領巡捕事下縣則不置尉以主簿兼之第二行列銜稱行沃州高邑縣主簿兼尉知高邑在金時爲下縣珪公當卽淨珪括壁村普淨院方志不載銘後題名三行皆琛公弟子可辨者惟宗園餘皆漫滅宗園有塔銘存金史百官志云郡伯舊曰縣伯承安二年更

案塔造於世宗大定十四年下距章宗承安初有二  
十餘年石琛列銜已稱武威郡開國伯知史志謂鄧  
伯更於承安二年者非石琛無攷金史石琚字子美  
定州人天眷二年中進士第一官至右丞相大定二  
十二年薨琛疑卽其兄弟行溫敦氏金史立專傳者  
有溫敦兀帶溫敦昌孫其餘見本紀列傳者不勝枚  
舉又烏春傳云烏春阿跋斯水溫都鄙人又云烏春  
之後爲溫敦氏裔孫曰蒲刺仕至顯德軍節度使致  
仕輔臣當是烏春之後

### 寧公居士塔銘

塔高二尺九寸八面每面廣六寸三分第一面題額  
一行隸書餘七面每面六行行三十四字並正書大

定十七年三月十七日立今  
在獲鹿縣西海螺山靈巖寺

宇公居士塔銘

居士張公塔銘 徵事郎祁州軍事判官韓伯達撰

雞泉野釋洪道書并題額

張公居士者諱淨宇深州安平縣博陵鄉郝村人也公  
自束髮以來修身潔行介然不群其左右居民見而異  
之曰斯人乃非常輩耶甫及壯歲僻樂空門式日因口  
□□□□□毗盧院遇安公上人式語相契遂弃家  
事安公修習正法演說苦空書則誦經行道夜則宴坐  
澄心空塞四流恢弘六度常乘不退之輪庶造真如之  
理乾乾惕厲惟恐□及經云精進持淨或猶如護明珠

今於居士見之矣至宣和中安公歸寂後因隱於林泉  
間居王子寺薛轅子或游王母山水谷崑等處以苦行  
自修雖糲食充腹□□□□□未嘗歎於心日復戎  
日但以息慮忘機披閱聖典是為常式自

聖朝撫定之後再詣毗盧道場復禮圓公長老為師請  
益不輟於弟式義□有所了悟至天會乙卯仲冬二十  
有六日圓公滅度公葬之以禮三年服畢公為之著頌  
慨然歎曰□夫有漏之身如夢幻泡影如露亦如電矣  
斯語信然遂拂袖弃塵冗訪道求真極心達本但以在  
在靈靈演百法之要設三世之緣開導愚迷破除執着  
援苦海之沉溺救火宅之焚燒故聞公之化者就善而

去惡仰公之教者背偽而歸□□□□村落之輩往  
徃蠲除嗜欲斷絕葷酒而來受淨戒者非可弋二數也  
故曰□□□□□人此之謂也彼夫讀聖經而為  
庸行執邪見而入外道者較公之用意□□□□□  
公之賦性閑敏凡出言辭即成頌詠與夫佛教皆相  
符耳有大比丘宗因者□□□□□議曰貨惡其棄於  
地不必藏諸已韞珍於匱未若與衆共遂出公之平昔  
所著詩頌次為式焦題曰繼善傳之四方遺於有識者  
古傳美之曰太上立德其次立功其次立言是皆謂之  
不朽觀公所著僅可預立言之士乎天眷已未有鄉老  
數人於郝村公之故居基上構其草庵請公居之自此

諸方慕善之流接踵而來聽教者豈勝計哉至天德四年公盡出所有衣鉢以施諸方其所止庵室院地遂施毗盧善公長老善公後遣門弟子顯淨昇居焉居士遂詣鹿泉連珠洞訪舊友珪公道人既到不數日間有真定進士張武卿來相訪此公與居士然非素識一見道眼相照歡然如故友俗諺曰士有白頭如新傾蓋如故者斷不虛矣居士因作頌以奉張公其頌云可怜崑竹感伶官最恨相逢太促然晚會豈知何會再他時莫忘此時緣又云七十三形容盡不堪式朝拂袖真歸去四海五胡誰得參張□□此頌涕下歎息謂諸人曰此頌頗有辭世之意於六月間張公既相別去於□月十



有七日夜偶示疾遽然索水沐浴更衣索筆題書頌曰  
七十二年事息四海五湖飲醞大千擲在他方露出青  
天白日鼻尖頭鬢健雲興頂門上雷聲霹靂十方普濟  
霧霧誰是霑衣戴濕書畢乃跣趺而坐終經三日其顏  
彩凜然如生凡來觀者披□其頌各相頌曰向非啓覺  
路之緘滕發空門之扁鑰深明性相默悟圓機者烏能  
道此乎公之外方門人□□之際遂與公之親屬徑詣  
鹿泉茶毗訖乃收靈骨一則歸於故里其道路間迎靈  
者莫知其數遂建塔於故庵殊勝院之西北如法葬之  
一則比丘宗因追念公之教道遂捨己資亦建塔於鹿  
泉海螺山連珠洞靈崑院其宗因竊想公之厚德恐歲

久而淪沒弗口顯揚於後特欲刻石傳之不朽因祝余  
為文義不獲已乃紀其行事姑以塞命為之銘曰

於美宇公 命世之賢 妙年聰悟 塵累非牽 禪

開寂宗 獨叩其門 踵七祖業 拍維摩肩 離於

二相 不着二邊 敷闡正法 濟度有緣 導迷垂

教 援筆成篇 所在感化 惟善思遷 弋旦云亡

聞者涕漣 伊何歸矣 歸梵率天 蒸蒸孝弟

意在光先 慮此異行 久為弃捐 命刻貞石 庶

傳歷年 師德益顯 元吉其旋 假使尚在 余當

執鞭 伏聞遺跡 敬瞻拳拳

大定歲次丁酉三月甲辰朔庚申日建

鹿泉海螺山靈巖院住持比丘宗因立石

右塔銘韓伯達撰釋洪道書并題額伯達無考洪道  
卽書七佛偈者畿輔通志云雞鳴井在正定北門月  
城內相傳井旁有石聲如小雞故名洪道稱雞泉野  
釋或卽以此王母山在平山縣西北詳唐開元寺石  
柱題名跋王子寺薛轅子水谷巖皆未詳畿輔通志  
定州曲陽縣西北七十里有王子洞未知寺卽在此  
否毘盧院當在定州有珪公塔銘中山安大師可證  
畿輔志定州有毘盧寺在州治南金大定中建當卽  
此殊勝院當是郝村草菴卽宇公施毗盧院者縣志  
無名字公所著詩頌名曰繼善集宗因所編其名不

見他書中州集亦不載其詩宗因亦安平郝村人淨  
琛弟子繼琛公住持靈巖事見蘇獻可所撰塔銘  
龍興寺陀羅尼經幢并廣惠大師銘

幢上截高一尺一寸五分八面每面廣七寸題額二  
十四字每面三字一行隸書下截高二尺七寸每面  
廣八寸五分面各九行行三十一字並正書大定二  
十年十月一日立今在正定府城隆興寺東禪院  
大金國河北西路真定府都僧錄改授廣  
惠大師舍利經幢銘

尊勝陀羅尼經  
經文不錄

大定二十年十月一日造經幢功德主門人順道建

匠人恒嶽楊溫  
楊顯  
楊深  
楊演

門人 順淨 順應 順教 順理 順行 順果  
順道 順寶 順受 順千 順喜 順成 順高  
師孫 宗悟 宗政 宗因 宗遇 宗印 宗  
開 宗鎮 宗定 宗仙 宗懋 俗弟子劉居士  
順賢學法傳戒弟子數百人

鎮陽龍興寺河北西路都僧錄改授廣惠大師經幢銘  
并序

本寺傳教簡了沙門 法通撰 本寺園隱沙門  
洪道書并題額

原夫如如無生契滅智智有意有悲成事智見三類化  
身定果色酬四弘誓願利物緣周皈真而已厥後五顯

傳教十科挂僧師名義虎亞譯經焉師諱智和本貫和  
州角頭村彭城劉君季子也家世奉佛精嚴歸戒其母  
崔氏曰感祺夢遂誕異靈師年方推果未逾辯李戲沙  
為塔旋遶瞻禮時有異僧謂劉君曰此子當為吾門之  
偉器也後迺屢斬出家父母愛念未允次歿師與姊憐  
踊泣血哀而送之居喪致毀事亡若存乃至寢苦枕塊  
俯制三季啓于姊曰雖侔曾子未偕目連願送出家薦  
親紹佛初願幸矣其姊不克奪其志遂送真定府龍興  
寺傳教院禮感公為師訓師名已付所試經朝讀暮誦  
卽年就試經優拔萃及甲而飯其師嘆曰青出于藍信  
有之矣受具之後擔簦汴洛負笈德泰肄明門論莫不

目覽耳聆心傳口諷乃至五位百法之義得魚忘筌八  
識三變之文因拈觀月凡出弋言冥符四印演蹟釣源  
時無教者師既學位名飛八表博州書申三請充宅干  
部傳燈十載學人輻湊皆虛來實往時諸方名匠靡弗  
出師席下絜有趙隍城欽師德學進納紫衣師號特以  
奉施師辞不獲已撫而受之臻天會間有真定府耆宿  
衆德持書具儀請師飯里師不慢鄉閭遂還本府于奉  
恩精舍泊龍興本藍幾十年間大播宗風時無階者屈  
皇統二祀大衆叶心係充副錄其季仲夏旦日授河北  
西路都僧錄判官賜紫圓明大德至貞元二載復遷都  
僧錄改授廣惠大師余嘗有詩云圓明德號光前後廣

惠師名鎮古今師清畏四知政發三嘆實佛宇之棟梁  
法門之鈐鍵時友忝陳太中贊曰選官選佛臨歧異為  
人為法到頭同師罷職後修六師殿刊百法板不日而  
成供佛飯僧莫知其數于大定三年歲次癸未月建乙  
丑丙寅朔戊子時化緣將畢涅槃時至謂門人慈和大  
德曰夜夢庭樹變白躋吾入滅之兆也俟吾入滅後火  
焚殘軀葬不毛之地言訖辭衆云天門開口稱弥勒跏  
趺而逝縞素號咷如喪考妣茶毗之日有異數人不期  
而會或隱或顯方表吾師非凡生也火滅之後獲舍利  
莫限其數門人捧靈骨附古塋葬之師享齡七十八僧  
臘五十八度門人順淨等式十三人嗣法傳戒者莫克



記之其後門人順道恐湮師跡特建經幢執師行狀揮  
涕斬文余性不匿賢况乎知己但嗟墜露詎以添流勉  
叙實錄以為銘曰

廣惠大師 衆所知識 具躰隣智 凡聖叵測 神  
情高爽 人質殊特 性潔澄潭 心朗豁口 學鎮  
神州 道嚴佛國 三錫紫袍 兩遷僧職 如冰之  
清 如絃之直 止諍權衡 決疑繩墨 式路政風  
諸方取則 宗說知通 戒乘俱懃 夜修止觀  
晝避聲色 六師殿修 百法板刻 月盈漸虧 日  
中遽昃 根背緣乖 師歸寂默 躡天門開 口稱  
弥勒 結跏趺坐 氣絕神息 天樂霄迎 悲聲動

域 茶毗有終 舍利無極 地久天長 師名翼翼  
右碑上截經幢順道建下截幢銘法通撰洪道書并  
題額僧錄判官及副錄大金國志金史百官志皆無  
可補史之缺法通詩圖明德號二語郭元釭全金詩  
亦所未載

圀公長老塔銘

幢高三尺二寸八面每面廣六寸第一面題圀公長老塔銘六字餘七面刻銘並題名共四十四行行四十一字並正書大定二十三年九月九日立今在獲鹿縣海螺山靈巖寺

獲鹿縣靈崑院圀公和尚塔銘 嶺峯懶叟蘓 猷可

述

夫昭機之士是其有也冥機之士是其無也有相動用

之為俗冥契無為之為真俗也者假有□依言論之□  
懋修證之門真也者性空也趙言論之相離作為之境  
也說□者□侈□述□□□□□□□□□□真□□□  
真非俗而莫顯故以真俗兩門為道之樞總吹萬有於  
式指靜群動於無朕□□□真□□不二□□之□□  
也夫能以式心三觀而成乎三德心融事會而不失其  
中者□□□□□□□□□□□□□□□□□□□□  
因公長老其人也師俗姓郝氏深州安平縣博陵鄉郝  
村人也家□□□□□□□□□□□□□□□□□□□□  
合掌垂髫之年九群兒嬉戲之事式無所願但積沙聚  
土為佛塔□□□□□□□□□□□□□□□□□□□□

童幼英烈不甘處俗稽首父母求入空門父母知其  
不可  
於師為從祖父引而之道呂啓初地未幾與宇公  
也其於深禪妙句百千法門無不洞達然於人少許可  
薛辯而理勝迺知大圭之質豈俟磨礱照乘之珠難晦  
凡入聖使我宗風光前暉後法中之龍象耳後遇

恩迺遵壞削之儀度為沙門禮獲鹿縣靈岳院住持琰  
公為師

廣衆之中號為翹楚一旦琢公歸寂僧俗請師繼坐道  
場□□□□□□□□□□□□□□□□□□□□□□□□  
□聲叩之斯應陽燄舍焰熅之乃明始由見性終得自  
在□□□□□□□□□□□□□□□□□□□□□□□□  
□說三乘者如來開方便之門名自外得故生分別道  
由內□□□□□□□□□□□□□□□□□□□□□□□□  
隨方而立□居涉旬善根者知歸逮周月而帶縛者漸  
悟□日□□□□□□□□□□□□□□□□□□□□□□□□  
昧之間泯愛緣於死生之際至於屠者投刃而戒殺漁  
者□竿而罷釣□□□□□□□□□□□□□□□□□□□□  
皆成壽域兇險之地盡作福田自斗之南暨淮之北□

□□□名藍勝利聞其風聲不遠千里如水之□海福  
之轅轅日盈其門求所以折衷者不可勝計師略無倦  
態皆斟酌飽滿隨量曰皆足居室方丈名聞□□有邑  
中長者十方善衆咸發信願大其藩垣法堂僧舍房廊  
厨庫之類皆式新興創使方來之□□□□□坐經  
行冬夏無不得其所願其福廣博固有如此者平居與  
衆勞侶其式手作不數年佳菓美木弥□□□連崗  
帶坡自古不毛之地皆闢為良田至大定二十三年七  
月中式夕諸方道契同夢梁摧塔崩□綠盡數□返真  
有日矣於七月式日示疾至十二日湯沐更衣與衆告  
別有居士宗本問云如何是和尚去處師云依□青天

明月言訖趺坐而逝遺命勿塔勿銘神歸佛境非結人  
心問年六十六問夏二十二時庚暑尚□尸三□無有  
壞相視之如生門人曰吾師真性湛然與虛空俱唯是  
體魄化為舍利則四方之故事傳焉不□□也□從茶  
毗法真子號呼薪火圍繞煙焰之際示現金色得珠圓  
玉瑩熒耀盈昇嗚呼肖圓方之形故□滅以示□入菩  
提之位殊相已現虛奇乎偉哉門人收靈骨葬于院之  
西南螺髻山下塔而事之師之門人非弋唯道□道勝  
試經高弟也參禪學道深入因公之室皆足為人天之  
師二子與其服勤問法上首□□為習□文□呂誠  
相攻大懼其先師德音與時寢遠且白月中黑東川無

還揚于金石傳信百劫墮淚之感豈儒家者流口之子  
敬酬斯言通施銘曰

如來之教 弋味醇醲 大雄示滅 園生異同 各  
見其見 派為六宗 爰自達磨 心法通崇 南頓  
北漸 率歸大中 印印相授 逮及罔公 河嶽精  
降 乾坤秀鍾 學瞻而博 行口而充 慈仁汎愛  
寬裕有容 外整而秀 內圓且融 趣高識遠  
心慧性通 百千法門 妙無不通 由俗入真 假  
有明空 道林香象 覺海老龍 振耀家法 闡揚  
祖風 問之善答 如口口鐘 群目利見 佛日瞳  
瞳 萬有濛濛 法雨濛濛 千庵萬洞 赴教忽忽



名藍勝剎 □□□圖 對證用藥 愈其瘡聾

功成不居 緣盡數終 神歸佛境 迹畱仁宮 戒

香不絕 正道□□ 高風万古 與山比崇 大定

二十三年重陽日門人道信書丹道勝 同建

管勾院門僧 宗寅 □□師弟□□ 宗理 宗

奇 住持傳法沙門 淨觀 勘緣 同建

武義將軍行獲鹿縣尉唐括

武功將軍行獲鹿縣主簿驍騎尉阿不罕

奉訓大夫行獲鹿縣丞飛騎尉賜緋魚袋王

定遠大將軍行獲鹿縣令輕車都尉金源縣開國伯食

邑七百戶完顏 本縣何源 陞山胡昌 胡杲

同刊

右塔銘蘇獻可撰道信書道勝同建獻可無攷嶺峯  
當卽抱嶺山元和郡縣志云恒州獲鹿縣有華山今  
名抱嶺山韓信伐趙使人持赤幟從間道登華山而  
望遂改爲華山後魏葛榮之亂百姓因山抱嶺而死  
故以爲名又云抱嶺者古有其名卽道家謂之北嶽  
佐命是也名山記以爲福地之數云可避兵水縣志  
山在縣西八里文稱師之門人非一惟道信道勝試  
經高第道勝事具靈巖院勝公塔銘攷金源試僧道  
之制金史百官志凡試僧尼道女冠三年一次限度  
八十人僧童能讀法華心地觀金光明報恩華嚴等

經共五部計八袞華嚴經分爲四袞每帙取二卷卷  
舉四體讀百字爲限尼童試經半部與僧童同道士  
女冠童行念道德救苦玉京山消災靈寶度人等經  
皆誦成句依音釋爲通中選者試官給據以名報有  
司凡僧尼官見管人及八十道士女冠及三十人者  
放度一名死者令監壇以度牒申部部毀之案金自  
大定初開賣度牒紫衣師號之令於是大師大德賜  
紫之名編寺院矣信勝二僧獨以試經中選宜乎其  
稱爲因公之高弟也銘後題名列銜皆見金史百官  
志惟武散官有武德武節武義武畧等將軍而無武  
功將軍蓋金自熙宗頒行新官制之後至海陵世宗

互有增改武功當是其增改之官吏缺有間不可攷  
矣完顏諸人無攷金百官志凡封土白號之姓完顏  
封金源郡又阿不罕亦白號姓唐括黑號姓金國語  
解完顏漢姓曰王唐括氏金史有傳者曰唐括安禮  
唐括德溫唐括貢唐括辯此唐括不知何人金源縣  
屬大定府見金史地理志

龍泉院尚書禮部牒并記

碑高五尺四寸廣二尺六寸上截刻牒文十行行字  
不等行書下截刻記三十九行行三十四字額題龍  
泉之院四字並正書有碑陰大定二十四  
年立今在元氏縣西北封龍山下南左鎮

尚書禮部牒

牒奉

勅可特賜龍泉院牒至准

勅故牒

大正三年二月 日令史向昇主事安

朝請大夫行太常丞權員外郎劉

中憲大夫行員外郎李

郎中

侍郎

正奉大夫禮部尚書兼翰林學士承旨知制誥修國史

王

右  
上  
截

封龍山陽 左村龍泉院記

蓋聞梵剎始興于天竺善德能主于法門若以原典其  
論議而莫之盡矣佛性真如本無出沒之相大因願力  
示顯受生之儀自梵率天宮釋迦毗羅國及于毘冠見  
其志操習成文武之藝遊驚老病之形厭弃繁華思持  
梵行逾離春城歸棲雪嶺既道成已證三類之化身觀  
所應緣為四生之慈父教立妙能法宣口惠肇于鹿苑  
談經度五人之起凡出世祇園樹寺感長老之換地鋪  
金此則釋迦立教講法之本也誓度衆生俱登十地於  
是懸明月于幽宵燭昏除暗運慈航于幻海救溺拔沉  
而謂居塵衆迷難一齊化性情利鈍教演口漸之化儀  
曰見昧明法宣大小之乘喻方便隨宜敷陳經義渡河

三觀見其涉波識之淺深出宅□□知其運載力之巨  
細由斯化之咸獲果證功成不居佛之德也周觀虹貫  
聖軀圓寂於拘尸漢夢金人教法聲流於華夏洛納興  
平白馬恒陽建矣金牛然後九州郡邑次置金田迨於  
魏晉登臨之世大轉法輪隋唐御統之年崇欽僧寶方  
今文明

君聖恭承弼輔臣忠

皇恩廣愛官稱耆老之民額錫僧居之舍龍泉之院是  
其一也時當律調玉燭歲屬豐登農依序暇吏屬公平  
寬威摠管藩千里愛畏之風清任邵官治四民樂安之  
政里中所有長戶信義之士量懷國殺久敬交賓謙遜

之言在口好仁之行存心有日與衆信士而評議曰里中僧舍喜得院名雖舊有青王之塔三所立幃幃儀紫鱗之蒼檜二株騰蚪龍勢載唐天寶刻石交焉今為院庭短促牆仞隙隤古殿階圯地基步無欲構僧房厨庫講法正堂無由蓋造其若何衆順善德即時補圓便地其得前枕長街後通古陌左鄰民舍右映官途正長廣闊無有缺斜將欲起功而無釋子主持勸緣為功德主衆善信士而謂長戶曰近有所聞前副錄僧判淨範大德琛公弟子王俗姓氏法諱文超本登州人也性惟持善志愛修崇三事之衣祿體六和之德於身土石峯畔增修廣化蓮宮瑞馬城中助建慧光寶塔今則於樂武



郡東冶水河○蓋石橋一所計日萬功穩鋪山骨高聳  
雲根霄虹穹於頭尾海月現於半輪既然無滯將以畢  
功若衆屢誠一心札請善意慈心必無阻也尋行請札  
受納書緘而已從順為崇興夫佛宇之緣來主龍泉之  
院於是衆功日起百堵雲連先以垣牆周備次而除剡  
蕪○運般土木忘困無厭基址則見於高平材木則積  
於豐用墮人勞力齊心梓匠工添樣○準之繩之造之  
作之日之成之堂之殿之遂得森聳相依巍峩相映瑠  
璃脊結條橫獸○直吞瑤瑁瓦鉤墮行以鴛鴦並對棟  
壓虹霓簷飛鳳翼一庭柏韻縈風四野嵐光噴翠列雲  
峯○圖簇封龍之勝致斯南左也地占龍陽名冠槐

水僑士英人代之有矣昔朝相國題□□問之村往古  
神仙得道名傳之里今則信士善意叶同欽崇釋教修  
建佛宮欲□無□之名事紀勸興之歲立于琬石而傳  
後焉信士善交囑為記堅以固始莫能得已但□祐本  
勤耕樂俗之民攀文學洪詞之客雖無其楷式矩規聊  
紀其年月時日為其銘曰

翠嵐簇兮一方金地 梵宇完兮號粵龍泉 龍之力  
兮雲騰雨降 泉之潤兮木鬱芳鮮 佛之恩兮裔慈  
若矣 院之名兮稱額亘然 堂構聳兮棟虹壓穩  
簷飛勢兮翼鳳儀翩 石塔建兮時經幾代 檜蓋偃  
兮歲歷半千 封龍映兮可同靈鷲 泚水近兮無異

泥蓮 淨社衆兮讚揚梵韻 寶香焚兮壇表爐煙  
虛空降兮十方賢聖 恭敬遶兮四衆周旋 節萬春  
兮

昌壽祚永 歲累豐兮

國福祥延 功圓滿兮慶孚了畢 刻石文兮已紀時

年 大定歲次甲辰約缺七字 文趙建

右下  
截

右碑上截禮部牒文下截龍泉院記撰書人姓名當  
在標題之下今此行下半全缺牒內禮部尚書王卽  
王競也龍泉院方志失載記云院中舊有青玉之塔  
二所載唐天寶刻石文焉據此則院中尚有唐刻二

今已不可見矣

碑陰

右方八列左方五列末刻  
本院四至一行並正書

真定府元氏縣龍泉鄉南左村衆維那等

人名不錄

無極縣整暇堂記

碑高二尺廣三尺五寸三十一行行二十字正書大  
定二十四年十一月十五日立今在無極縣署內

無極縣整暇堂記

文林郎前河州防禦判官李 嗣立 撰

鄉貢進士李 璧 書

中庸有言曰君子知所以自治然後知所以治人又曰

事豫則立不豫則廢聖人論治國齊家脩身正心必本於先誠其意雖事有大小而施於有政未有不先正其已而能正物者也始平馮君為定之無極令下車數月衆務畢舉又以其餘力脩舊起廢治公宇而一新之正寢之西有屋三楹西屬聽事取春秋樂鉞之語榜其額曰整暇堂堂之前後皆植松菊梧竹中置筆硯圖史每自公退食必解帶盤薄思所以為政之理已而焚香觀書彈琴賦詩倦則曳杖嘯歌徜徉於其中遇休沐則速賓僚觴詠博奕以洗獄訟簡書之勞中山為近輔名郡山水明秀為西道甲冠無極之大邑地居僻左公署雄麗翌時作邑皆名士大夫堂室臺榭一一各有思致如

問山堂思民堂四望亭幽深可以澄身觀道高爽可以  
登臨四顧君獨改治此室於以思為政治民之術又知  
夫君子自治事豫則立而有取于整暇之說可謂賢矣  
僕歸自都城以君故枉道來訪君謂僕曰彼樂鉞使楚  
對其執政以晉國之勇則曰好以衆整好以暇方晉楚  
爭盟務以兵相勝尔治民何預焉蓋鼓城臺城故多盜  
吾對壤相迩事不可素慮以為不虞之戒此吾名堂之  
意也為我記之僕謂親民之吏莫急于守令夫三萬家  
之邑已過於古子男之國古者刺史入為三公郎官出  
宰百里彼謂州縣之職徒勞人耳果無足取且事未有  
不生于微而成于著者今君為政能為民遠慮以名其

所居朝夕見而思焉其志遠矣與夫興土木之役以供  
游燕之娛者異矣是不可以不書乃為之書 大定廿  
四年十一月十五日承直郎無極縣令雲騎尉賜緋魚  
袋馮翼立石 高口楊深刊

右記李嗣立撰李壁書馮翼立石嗣立壁皆無攷翼  
卽馮子翼中州集云子翼字士美大定人正隆二年  
進士性剛果與物多忤用是仕宦不進以同知臨海  
軍節度使事致仕居真定有詩樂府傳於世父仲尹  
子叔獻三世皆仕至四品職名亦相近叔獻名壁官  
至同知集慶軍節度使事進通議大夫致仕事見金  
史本傳及元遺山內翰馮公神道碑銘謂其先定州

中山人曾大父居泗贈承務郎大父仲尹天眷初以  
進士起家仕至中議大夫同知山東西路轉運使事  
考子翼正隆初進士中順大夫同知臨海軍節度使  
事歿葬眞定縣三橋里之南原子孫遂爲縣人案中  
州集謂子翼大定人壁神道碑又稱其先定州中山  
人則大定卽定州之誤至此碑又稱翼爲始平馮君  
者案馮氏郡望有三潁川上黨其一卽始平也無極  
縣治整暇堂在治西北今廢記云中庸有言君子知  
所以自治然後知所以治人案今中庸無是語蓋卽  
君子以人治人意爾問山堂宋縣令晁說之建見景  
問山堂記思民堂無極縣志云在縣東北不知何時



建四望亭縣志有四望樓在北城上正德二年知縣  
于訓建俗謂之天花樓今名拱極樓據記有高爽可  
以登臨四顧知亭本在高阜故取四望爲名樓卽其  
故址也

無極縣問山堂記

石高二尺廣三尺五寸三十四行行十七字正  
大定二十六年五月□□日立今在無極縣署內  
母極縣公署問山堂記

唐末五代文章氣格卑弱宋初王元之穆伯長楊大年  
始新其體景祐慶厯間歐陽永叔尹師魯曾子固石曼  
卿梅聖俞蘇子美前倡後和參酌古今文風丕變熙寧  
之際異人輩出東坡山谷王荊公方駕並驅獨老坡雄

文大華學貫九流出入百家波瀾浩、高出前古換以  
英偉忠義之氣雖晚季竄逐海上氣不少衰平日少許  
可當時搢紳士大夫被吹唾接引者謂之登龍門于是  
黃庭堅張耒晁補之秦觀呂才學文藻雅相器重晁說  
之以道迺笞之昆季也亦嘗從東坡游東坡亦嘗有  
荅以道索書詩其生長聞風流蘊藉從可知矣崇寧元  
年來莅母極翔築此室名之曰問山蓋取諸歐陽集古  
序所載東漢事已見於本集不必具錄堂下有先生手  
植槐數株陰森蒼古今大數圍世傳母極山有名無形  
好事者緣飾之言山有三十六峰良由以道先生詩有  
六、松峰空斷腸之句故也或者謂先生嘗家於嵩少

嵩鎮之峰三十有六下車之日考圖求母極山所在古  
迹都亡遂感興賦詩因念鄉里故有是語此說似近之  
矣翼恐邦人道聽塗說訛舛傳之愈久眩惑後進俾無  
所稽考故不得不書及仰先生一代佳士人物不減東  
晉宰治此邑甚有惠政至今父老猶能道其故事翼自  
大定壬寅到官凡興寢燕息朝夕未嘗不在此堂緬想  
先生之風彩時移事改歲月如昨每二為之慨嘆噫先  
生疇昔始立此名豈無意乎古者甘棠勿剪勿伐蓋思  
其人愛其樹翼傷前政遺蹟日就湮沒久欲為作一記  
紛奪未遑今偶成之雖文獻不足以發揚姑可以見其  
本末又嘗去書謁翰林應奉党世傑篆字易去舊額刻

石使龔諸壁大定廿六年五月□□日永安馮翼謹記  
鄉貢進士崔虎書

右祀馮翼撰崔虎書虎無攷無極縣志云問山堂在  
無極縣署宋縣令晁說之築說之宋史無傳晁公武  
讀書志有景迂集十二卷稱以道爲文元公元孫年  
未三十蘇子瞻以著述科薦元符中上書居邪中等  
靖康初以著作郎召遷秘書監免試除中書舍人兼  
太子詹事俄以論不合去建炎初終於徽猷閣待制  
晁氏世譜以道一字伯以元豐五年進士所著有嵩  
山集東坡答以道索書詩五言四句見宋華施註蘇  
詩續補遺卷內查慎行蘇詩補註謂此詩見後山集

寄晁以道五言律詩之前半首也據碑知東坡本有是作今已散佚不存漫堂中丞誤收後山詩以充卷帙爾記稱崇寧元年以道來蒞母極叔築此室名曰問山蓋取歐陽集古序所載東漢事已見本集又世傳無極山有名無形好事者緣飾之言山有三十六峯由先生詩有六六松峯空斷腸句故也云云案景迂生集有愛萱堂記末署崇寧二年癸未夏六月戊辰承議郎知無極縣事兼兵馬都監武騎尉賜緋魚袋晁說之記是以道知無極在崇寧初與碑正合惟集中並無築問山堂之事而亦無六六松峯之句僅有到無極一詩攷直齋書錄解題云劉跂斯立墓志

景迂所誤見學易集後此集無之計其佚者多矣是以道詩文集宋末已無足本據記所云則金源時尚得窺全豹也歐陽集古錄有無極山神廟碑記云東漢事當卽指此案無極山在元氏縣西三十五里距無極縣一百六十餘里且無極縣唐以前皆作毋極縣至則天萬歲通天元年始改爲無極山與縣名迥不相涉以道當日蓋亦惑於流俗之傳聞故以問山名堂唐書地理志云無極有無極山此卽不根之談所由起也党世傑卽懷英見金史文藝傳史稱其工篆籀當時稱爲第一趙秉文党公墓志云公篆籀入神李陽冰之後一人而已金史百官志翰林學士院

同應奉翰林文字從七品又党篆問山堂三字石刻  
元至元元年馮崧無極縣廳事題名記謂此刻尚存  
今已不可復見矣

開化寺僧文慧施羅尼真言幢并記

幢高三尺三寸八分每面廣四寸八分第一面題佛  
頂尊勝施羅尼經幢九字第二至第六面刻經每面  
四行行二十一字第七第八面刻記並題名七行行  
字不等並正書明昌二年六月立今在元氏縣開化  
寺水陸殿後

加句靈驗佛頂尊勝施羅尼真言

經文不錄

開化寺唯識院慧唯識普同經幢記

師本祖樂平縣甘泉鄉重興村俗姓崔師生之百村皇

統二年父崔德□□□至沃州贊皇縣南馬村居住葬  
立墳塋以農業為業師至大定三年父母捨送到元氏  
縣開化寺唯識院出家礼淨和尚為師具戒訓到法名  
文慧遂當院修完南殿內千葉廬舍那佛一堂後聽習  
經教并唯識論至明昌二年建壽堂并普同經幢二坐  
□□□□□□□師□□□□□師唯淨□□□□□  
唯善 唯仙

大金明昌二年歲次辛亥六月 日 文慧 立石

右幢前刻真言後刻唯識院經幢記幢卽文慧所立  
唯識論見釋藏大乘論中凡二十二卷又有成唯識  
論十卷成唯識寶生論五卷大乘唯識論二卷唯識



三十論一卷唯識二十論一卷院名蓋取此

游封龍山記

碑高九尺廣二尺八寸五分三十行行六十五字正書篆額有陰明昌三年十月十五日立今在元氏縣城內開化寺羅漢殿

游龍山記

遊封龍山記

金馬玉堂賢人君子得志者之所屢也洞天福地列僊高士得道者之所居也夫洞天之高者泰華嵩衡恒是也自恒之口巋然崛起於太行之東者封龍之山也諒彼恒亞同環望之四面如一迺曩時飛龍山也至唐明皇天寶六載遂易為今名背漳沱之巨壠右井陘之絕

嶮實鎮陽之壯觀非若羣山之迤邐也龍首與雲而致  
雨獅子青毛而赤脊白羊牧兮玉石亂華蓋擎兮青松  
高鍾磬園鳴於梵宇金碧交口於琳宮醮石突兀吟臺  
崢嶸蟠桃植兮卻老黃精產兮延齡至如奇峯惟石清  
泉茂林可使畫者勞想游者忘歸青城鴈蕩不獨美於  
西方巫峽廬山莫專名於南土復口徐童僊觀郭元振  
劍石徐童觀者觀在獅子峯下口谿之上中央平坦地  
多桐木花其花清香馥人其子色碧可浣衣作青碧色  
若移植他處則不活也觀中有泉數本口宜栽柳種荷  
曹仙姑悉云北嶽徐真君登僊之山也文山記云谿元  
素因入山遇一老人得藥十粒告元素曰服此則不飢

吾本姓徐字元英□受長樂君隱召為北嶽□史言訖  
化為童子乘雲而去因得名焉郭元振者唐時魏人也  
少游學於此山獅子峯前有石屹然高聳一日聞霹靂  
聲其石中裂俄有五色雲氣自石中出元振觀之得寶  
劍石罅中年十八舉進士仕唐睿宗朝出入將相又有  
東西中三書院其遺址存焉當時皆名儒碩士專門傳  
授聚集學徒恒幾百人置山長山錄以領之又多僊游  
勝跡琳宇蓮宮靡可縷述自漢唐而下棲真之士輩出  
其間神龍蟠池油雲鎖洞三晉之間不遠千里來請禱  
者莫不遂請以致農田鮮有旱乾之慮傳云山川出雲  
雨久□前所謂洞天者信不誣矣今者縣宰昭勇公於

皇統四年六月蒙

皇故兄左丞相鄭王判吏部尚書日特補充 誥院令  
史貞元二季間口職累經歷任至明昌元年十一月來  
臨是邦公諱倫字正大中山定武人也祖正以吏事策  
名

本朝撫定以來同列者六十餘家比比無後惟公家與  
故右丞相石特口嗣因益彰所謂積善之家必有余慶  
也公之故父諱祈字可祥是時

國家始分置六部故右司郎中趙通奉故吏部侍郎田  
中奉首舉公父口口部令史尔後

朝廷設討論所公父檢討唐朝文籍故事撮其精要立

其規式同列者□□公之父取則也未及出職忽得病  
病間言曰 上真有旨余當速來□竟而逝嗚呼

不幸早世今昭勇公即其長子也公故父累贈武略故  
母蓋氏追封南陽郡□君公自幼慕老子之道皇統間  
於 上京會閑府遇一方外士授以虛寂園言

深得其趣逮明昌辛亥歲七月上旬日游封龍登獅子  
峯詣修真觀禮 三□瞰龍潭游禪堂遍覽山中

勝槩及前賢遺跡徘徊久之復至觀前登一巨石名曰  
霹靂石遂揮毫而作此頌夫公之慕道見於蚤歲其功  
名得失素判於胸中興肆情豪邁不以窮達為累飄飄  
然有方外之游時繼至者天長觀道士李公諱德清字

子澄道業清高符水有靈時輩許之有德之流也從行  
者公之四裔德暉德暉德暉德暉口修真觀前監觀道  
士殷公諱德真字元道試經中口明達高士也性慕園  
言清虛篤道不樂紛華聞昭勇公游封龍有所題之頌  
殷公以其山中之觀與今邑中之觀迥口觀也由是名  
匠選石以刻厥頌命僕志之僕本邑人也義不敢辭謹  
錄其實而贊曰

龍山聳翠芳上插碧霄 峻極於天芳羣峯來朝 峭  
拔千口芳亞恒之高 洞天僊府芳謝絕塵勞 秀氣  
攸鍾芳多產時髦 徐僊琳宇芳構山之腰 高人逸  
客芳於焉逍遙 吟臺書院芳遺址昭昭 名儒碩士

方卜此來巢 將相時生兮德比夔臯 神僊輩出兮  
地口北條 白雲洞隱兮張果丹燒 崔武遇神兮嘉  
氣偏饒 金母池平兮不起波濤 恒能延壽兮黃精  
之膏 實能卻老兮曼倩之桃 斬翁採藥兮聞風怒  
號 殺彼毒蛇兮清我西郊 清泉數本兮滌尔貪饕  
靈潭興雨兮時濟嘉苗 溫潤其口兮有玉之韜  
棟梁其材兮維松之喬 畫者勞想兮匪易揮毫 游  
者忘歸兮俗冗可逃 我公來游兮陟彼山茱 道襟  
豁然兮志意飄飄 回頭俯口兮塵世煎熬 頃有所  
悟兮咄尔萍漂 羽衣相陪兮人訝三茅 題詩於石  
兮詞源滔滔 銀鈎麗句兮有古風騷 山神發靈兮

感公所褒 百里獲□方疫癘潛消 年穀豐登方風  
雨和調 功成名遂方

聖世忻遭 神清骨秀方名在僊曹 刻諸琬□方姑  
志游遨 傳之於世方永作僊謠 但紀其實方非謬  
是要 進士趙時中撰東垣進士魯秉禮篆額里人王  
瓘書丹 維大金明昌三年歲次壬子十月辛亥十五  
日甲寅監觀道士董知善前監觀道士王知古本觀□  
□□前監觀講經道士殷德□立石 匠人胡昌弟胡  
□□

右記趙時中撰魯秉禮篆額王瓘書瓘秉禮無攷時  
中見縣志修真觀府志云在縣治北唐開元中建卽



記所稱邑中之觀是也但此碑本立於修真觀內今  
在開化寺中不知何時所徙記謂封龍山曩時飛龍  
山唐明皇天寶六載易今名案史記趙武靈王伐中  
山取封龍水經注浚水東經飛龍山北卽井陘口今  
又名土門元和郡縣圖志趙州元氏縣飛龍山縣西  
北三十里前趙錄曰河瑞元年王浚使將祈宏率鮮  
卑務塵部十餘萬東討石勒戰於飛龍山勒師大敗  
括地志云封龍山在鹿泉縣西南四十五里唐十道  
志封龍河北之名山也本名飛龍山山勢如伏龍欲  
舉狀新唐書地理志元氏有封龍山太平寰宇記云  
鎮州元氏縣飛龍山在縣西北五十里又獲鹿縣下

亦云飛龍山在縣西南四十五里一名封龍山封與  
飛一聲之轉故諸書或言封龍或言飛龍記謂天寶  
六載改飛龍爲封龍其言不根殊甚龍首獅子白羊  
玉石華蓋皆山峯名唐十道志云封龍山岩泉回環  
錯列稱爲奇勝其最著者爲龍首熊耳華蓋諸峯元  
氏縣志云龍首峯在封龍山絕頂玉石獅子在封龍  
山上華蓋峯在封龍山上望之如傘故名又白羊山  
在縣西北四十五里接連封龍記稱山有徐童僊觀  
郭元振劍石徐童觀卽修真觀因徐眞君元英得名  
縣志云白雲洞在封龍山龍首熊耳兩峯間相傳徐  
眞君修道於此又名仙人洞洞前有修真觀元安熙

默菴集封龍十詠有修真道館詩自注在獅峯下中  
央平坦泉石甚盛宋政和中賜勅額迄今殿宇猶爲  
山中之冠是也徐元英見明嘉靖眞定府志謂北宋  
時元氏人郭元振兩唐書有傳府縣志試劍石在元  
氏封龍山唐郭元振得寶劍於石中元左丞史彬書  
試劍石三字筆法極遒勁又記稱山有東西中三書  
院遺址當時皆名儒碩士專門傳授聚集學徒恒幾  
百人置山長山錄以領之府縣志云封龍書院在縣  
西北封龍山下相傳漢李躬授業之所唐郭震宋李  
昉張麟叟元李冶安熙皆講學於此又西谿書院在  
龍首峯西唐隱士姚敬棲遁之所宋九經張著爲山

長復增葺之又中谿書院在龍首峯下宋昉張蟠史  
元李冶等相繼授徒學者甚衆亦見王圻續文獻通  
攷攷山長之名起於宋初其見於史者則自眞宗大  
中祥符八年召見潭州嶽麓書院山長周式爲始又  
記稱神龍蟠池油雲銷洞三晉之間來禱者莫不遂  
請油雲銷洞當指白雲洞府縣志云龍泉在封龍山  
陡澗中遇旱祈雨輒應又名老龍池又封龍山西谷  
有泉名南北二天井俗呼龍池其水南山螺峯之下  
記稱神龍蟠池當是陡澗中之老龍池今其旁有龍  
王廟歲旱常詣此祈禱記稱樊倫爲昭勇公又云公  
於皇統四年六月蒙皇故兄左丞相鄭王判吏部尚

書曰特補充誥院令史貞元二年出職累經歷任明

昌元年十一月來臨是邦云云倫見府縣志名宦傳

攷金宗室封鄭王者有完顏幹魯皇統五年追封完顏幹賽

弟太祖完顏宗懿太宗子大定二年追封完顏充海陵兄皇統九年改封越

忠簡王完顏承功世宗子大定四年改封刺王完顏承蹈世宗

子初封衛王明昌二年改封凡六人曾拜丞相者止完顏充一人

充傳皇統間封淄國公爲吏部尚書正與記合皇兄

之稱蓋指海陵之兄而言碑云故丞相石特口攷金

史章宗前定州人拜右丞相者有石琚相世宗特下

當是進字係琚所加之散官猶後稱右司郎中趙通

奉刑部侍郎田中奉之例金制文散官從一品中次

曰特進琚傳無加特進事當是史之漏畧碑云母蓋氏追封南陽郡君君上一字勛當是太字金史百官志郡侯母妻封郡君承安二年更爲郡侯夫人四品文散少中大夫武散懷遠大將軍以上母妻封縣君承安二年改爲郡君五品文散朝列大夫武散宣武將軍以上母妻封鄉君承安二年爲縣君倫母蓋因其子官追封故爵太君然倫仕明昌間官止正四品昭勇大將軍於例止封縣君此云郡太君可見志載承安二年始改四品以上母妻爲郡君之說不足爲據趙右司田侍郎皆不書名攷金史皇統初任吏部侍郎姓田者有田毅附孟浩傳當卽其人

碑陰

四行行七字  
行書篆額

縣南昭陽樊公覬龍山頌

太山之陽龍山首疊、峯巒衝斗試劍巨石尚然存  
霹靂神鋒出無有

右碑陰無書丹人姓名頌疑倫自書額與碑陽篆額  
無異當出魯秉禮一人之手

常山貞石志卷十四